

Ա. Ս. Համբարում

ՖԱԲՐԻԿԱ-ԳՈՐԾԱՐԱՆԱՅԻՆ ԱՐՏԱԴՐՈՒԹՅԱՆ ԶԱՐԳԱՑՈՒՄԸ ՆԱԽԱՍՈՎԵՏԱԿԱՆ ՀԱՅՍՏԱՆՈՒՄ

Ֆարական Ռուսաստանում ֆաբրիկա-գործարանային վիճակագրության դրվածքը անբավարար էր։ Այդ վիճակագրության հիմնական աղբյուրը այն տեղեկություններն էին, որոնք նահանգապետները կցում էին իրենց տարեկան հաշվետվություններին և ներկայացնում համապատասխան գերատեսչություններին, և այն տեղեկությունները, որոնք գործարանատերերն ու ֆաբրիկաները ամեն տարի ներկայացնում էին առևտրի ու մանուֆակտուրայի ղեկարտամենտ։ Չկար կենտրոնական մի մարմին, որը ղեկավարեր այդ տեղեկությունների կանոնավոր ու միօրինակ հավաքումն ու նրանց ստուգումը։ Չկար նաև «ֆաբրիկա կամ գործարան» հասկացողության մի ստույգ բնորոշում։ Աղմինիստրացիայի նահանգական ու նույնիսկ գավառական մարմինները այդ տեղեկությունները կիրառում էին ամենատարբեր խմատով։ Նրանք ֆաբրիկաների ու գործարանների թվում սովորաբար մտցնում էին ջրաղացները, ձիթհանքերը, աղյուսի թրծարաններն ու մանր գործատները։ Այսպես, օրինակ, Երևանի նահանգապետը իր 1875 թ. հաշվետվության մեջ ցույց էր տալիս, որ նահանգում կար 67 կաշեգործարան՝ 188 բանվորով, 232 ձեթի գործարան՝ 967 բանվորով, 31 օղեթորման գործարան՝ 76 բանվորով և այլն¹։

1889 թ. առևտրի ու մանուֆակտուրայի ղեկարտամենտը սկսեց հրատարակել «Сводь данных о фабрично-заводской промышленности России». Հատորյակները։ Այս ղեկարտամենտը ոչնչով չբարելավեց նյութի մշակումը, միակ զրականը, որ կատարեց, այն էր, որ մանր գործատները, այսինքն՝ 1000 ուրյուց պակաս արտադրության գումար ունեցողները, հանեց ֆաբրիկաների ու գործարանների շարքից և այդ գործատների մասին եղած տեղեկությունները տվեց առանձին՝ առանց ըստ արտադրության բաշխելու։

1895 թ. ֆաբրիկա-գործարանային վիճակագրության մեջ ռեֆորմ մտցվեց։ Վ. Ի. Լենինը, հանգամանորեն խոսելով այդ ռեֆորմի մասին, նշում էր, որ այն ի վերջո տալիս է գործարան հասկացողության գիտական բնորոշումը. «ֆաբրիկա-գործարանային ձևնարկությունների» ներկայումս ընդունված սահմանման հիմնական տարրերն, ըստ երևույթին, բավական հաջող են ընտրված. 1) բանվորների թիվը ձեռնարկության մեջ 15-ից ոչ պակաս (ընդ որում պետք է մշակվի օժանդակ բանվորներին իսկական խմատով ֆաբրիկա-գործարանային բանվորներից սահմանազատելու, բանվորների տարեկան մի-

¹ Տե՛ս, Центральный государственный исторический архив в Ленинграде, ф. 1268, о.п. 21, л. 174, л. 290.

ջին թիվը որոշելու հարցը և այլն) և 2) շոգեշարժիչի առկայությունը (թեկուզ և բանվորների ավելի պակաս թվի առկայությամբ)»²:

1899 թ. Ռուսաստանում ֆաբրիկա-գործարանային տեսչությունը վերակառուցվեց և ստեղծվեցին վեց օկրուգներ. Պետերբուրգի, Մոսկվայի, Կիևի, Մերձվոլգյան, խարկովի և Վարշավայի: Այդ օկրուգները 1900—1914 թթ. ընթացքում հրատարակեցին «Сводь отчетов фабричных инспекторов» հատորները: Յուրաքանչյուր հատորը լույս էր ընծայվում հաշվետու տարուց ոչ մեծ ուշացումով:

Մեծ է այդ բազմահատորների նշանակությունը գործարանների պատմությունը ուսումնասիրելու համար: Բայց ցավոք սրտի պետք է արձանագրել, որ նրանք չեն օգնում, կամ համարյա չեն օգնում Հայաստանի գործարանների պատմության ուսումնասիրությանը: Բանը նրանում է, որ Հայաստանը ուշ ընդգրկվեց վերոհիշյալ օկրուգների մեջ: Այսպես, խարկովի օկրուգի մեջ ընդգրկվեցին. Բաքվի նահանգը՝ 1899 թ., Թիֆլիսի, Քութայիսի և Սևծովյան նահանգները՝ 1901 թ., Բաթումի մարզը՝ 1904 թ., իսկ Երևանի, Նիզավենպոլի նահանգները, Կարսի մարզը և Զաքաթալայի օկրուգը՝ 1913 թ.:

Իրերի նման վիճակի դեպքում Հայաստանի նախառնությունցիոն գործարանային արտադրության առաջացումն ու զարգացումը ցույց տալու համար անհրաժեշտ է փնտրել ուրիշ աղբյուրներ: Այդպիսի աղբյուրներ են հանդիսանում. «Обзор отраслей промышленности в Закавказском крае, служащих источником косвенных налогов и поступление по краю доходов», «Памятная книжка Эриванской губернии», «Памятная книжка Карсской области», «Кавказский календарь», С. Глуишамбаров, «Обзор фабрик и заводов Закавказского края», Тифлис, 1894 г., С. Н. Тимофеев, «Статистика хлопководства в Закавказском крае за 1912 г.», Тифлис, 1914 г., «Труды первого кавказского съезда сельских хозяев 1909», Тифлис, 1911 г., Г. Хелимский, «Очерки горнозаводской промышленности Кавказского края», Москва, 1910 г. և այլ աշխատություններ: Երևանի նահանգի և Կարսի մարզի նահանգապետների հաշվետվությունները նույնպես կարող են օգնել հարցի լուսաբանությանը, բայց միայն այնքանով, ինչքանով նրանցում բերված տեղեկությունները արժանահավատ են:

Նշված այդ աղբյուրների հիման վրա, դժբախտաբար, անհնարին է ցույց տալ արդյունաբերության տարբեր ճյուղերում կատարված անցումը արտադրության մասնութակտուրային ստադիայից դեպի գործարանային ստադիան, ինչպես և ոչ բոլոր դեպքերում է հնարավոր բնութագրել գործարանների տեխնիկայի վիճակն ու բանվորական անձնակազմը: Այս հարցերը դեռևս կարող են լուսաբանության: Այնուամենայնիվ, այդ աղբյուրները հնարավորություն են տալիս ընդհանուր դժերով բնորոշելու ֆաբրիկա-գործարանային արտադրության զարգացումն առաջադրվող Հայաստանում:

Հայաստանի արդյունաբերության զբաղվող ճյուղերից էր պղնձի արտադրությունը: 1897 թ. Ալավերդու և Զանգեզուրի պղնձի ձեռնարկությունների մեծ մասը անցավ ֆրանսիական նոր ընկերության (Кавказское промышленное и металлургическое общество) ձեռքը: Այս ընկերությունը ունենալով մեծ միջոցներ, բաց արեց նոր հանքեր, կառուցեց գործարաններ, կատարեց գործից

² Վ. Ի. Լենին, Երկեր, հ. 4, էջ 41:

տեխնիկան և նոր թափ հասցրեց պղնձի արտադրության զարգացմանը, Մի հաղորդման մեջ, որը վերաբերում է 1900 թ., այդ մասին ասված է. «Վերջին ժամանակներս օրինակելի դրույթյան մեջ է բերվում նաև Ալավերդու գործարանը, որի մեջ հալումը այժմ կատարվում է ոչ թե փայտով, այլ քարածխով և ողջ մեխանիզմը շարժման մեջ է դրվում նավթամոտորով: Գործարանը... բաժանված է երկու մասի, որոնք գտնվում են իրարից 2,5 վերստ հեռավորության վրա: Վառարանի բոլոր մասերը բերված են մասամբ Ամերիկայից, մասամբ Եվրոպայից: Նրանց մեջ կատարած հալումը տվեց շատ լավ արդյունք՝ ինչպես պղնձի քանակի ավելացման, այնպես էլ վառելիքի ու ժամանակի կրճատման տեսակետից: Հանքանյութի տեղափոխման համար կառուցված է մոտ մեկ վերստ երկարություն ունեցող երկաթգիծ»³:

Գործարանների առաջացման և տեխնիկայի կատարելագործման շնորհիվ պղնձի արտադրությունը Ալավերդում արագորեն մեծանում է: Այսպես, եթե 1900 թ. պղնձի հանքանյութը կազմում էր 536 հազ., ապա 1903 թ.՝ 1558 հազ. փութ⁴: Ալավերդու պղնձաձուլական գործարանների մասին «Кавказский календарь»-ում կարդում ենք, որ այդ գործարանները «վերջին ժամանակներս իրենց գործունեության մեջ տարեց-տարի առաջադիմում են»⁵:

Բացի Ալավերդուց, պղնձի արտադրության ձեռնարկություններ են երևան գալիս նաև Զանգեզուրում: XX դարի սկզբին այստեղ գործում էին հետևյալ ձեռնարկությունները.

1. Բայդաղի, որը պատկանում էր Մելիք-Կարակոզովին, ուներ 60 բանվոր, աշխատում էր ջրի օգնությամբ և տարեկան արտադրում էր 2500 փութ կարմիր պղինձ:

2. Հալիձորի, որը պատկանում էր Նույնյակես Մելիք-Կարակոզովին, ուներ 120 բանվոր, աշխատում էր ջրի օգնությամբ և տարեկան արտադրում էր 3300 փութ կարմիր պղինձ:

3. Կատարի, որը պատկանում էր Մելիք Ավարյանցին, Բաղդասար Տեր-Միքելյանցին և Կարապետ Մուսաֆովին, ուներ 170 բանվոր, աշխատում էր ջրի օգնությամբ և տարեկան արտադրում էր 10 հազար փութ կարմիր պղինձ:

4. Ուգուրչայի, որը պատկանում էր Կունդուրով եղբայրներին, ուներ 350 բանվոր, աշխատում էր էլեկտրաէներգիայով և տարեկան արտադրում էր 26 հազար փութ կարմիր պղինձ:

5. Սյունիքի, որը պատկանում էր Սելիք-Ավարյանցին, ուներ ավելի քան 300 բանվոր, աշխատում էր էլեկտրաէներգիայով, տարեկան արտադրում էր 45 հազ. փութ կարմիր պղինձ և այլն⁶:

Ըստ պրոֆ. Հ. Թումանյանի բերած տվյալների, նշված յուրաքանչյուր գործարանի արտադրության աճը վեց տարվա ընթացքում հետևյալ պատկերն ուներ (հազար փութով)⁷: (Տե՛ս, էջ 16):

³ «Кавказский календарь за 1901 г.», отд. 3, стр. 80.

⁴ Ն ու յ ն տ ե ղ ու մ, стр. 61. за 1905 г., отд. 3, стр. 52.

⁵ «Кавказский календарь за 1905 г.», отд. 3, стр. 61.

⁶ Տե՛ս, Г. Х е л м с к и й, Очерки горнозаводской промышленности Кавказского края, Москва, 1910, стр. 5—13.

⁷ О. Е. Т у м а н я н, «Экономическое развитие Армении», ч. I. Ереван, 1954, стр. 208.

Աղյուսակը ցույց է տալիս, որ պղնձի արտադրության մեջ ամենից ավելի աչքի են ընկնում Ալավերդու, ապա Սյունիքի և Ուզուրչայի գործարանները: Ընացած պակաս սարքավորված ձեռնարկությունները հատկանշվում են արտադրության դանդաղ տեմպերով: Այնուամենայնիվ, բերված տվյալները ցույց են տալիս, որ հինգ-վեց տարվա ընթացքում Հայաստանում պղնձի արտադրությունը ավելի քան կրկնապատկվում է:

Գործարաններ	1900	1901	1902	1902	1906
Ալավերդու	19,7	59,8	57,4	75,4	84,5
Հալիձորի	3,3	4,6	3,0	5,9	1,23
Ուզուրչայի	5,0	8,7	10,6	13,7	25,79
Կատարի	1,06	1,0	—	—	1,55
Սյունիքի	38,54	41,82	42,16	45,6	27,12
Ընդամենը	67,9	115,92	112,81	140,5	140,9

Հարկ է նշել, որ Անդրկովկասի պղնձի արտադրության մեջ Հայաստանի գործարանները պղնձի արտադրության չափերով XIX դ. երկրորդ կեսին գրավում էին երկրորդ տեղը (Ադրբեջանում գտնվող Գետարեկի պղնձագործարանից հետո), իսկ XX դ. սկզբին առաջին տեղը⁵:

Ստացված պղնձի միայն փոքր մասն էր մշակվում Հայաստանում, իսկ մնացածը արտահանվում էր Ռուսաստանի արդյունաբերական կենտրոնները կամ Եվրոպա:

Բացի լեռնային արդյունաբերությունից, գործարաններ են առաջանում նաև Հայաստանի մշակող արդյունաբերության մեջ: Այգպիսի գործարանների թվին է պատկանում թուջի ձուլման գործարանը: 1891 թ. արհեստավոր Երվանդ Տեր-Ավետիսյանը Երևանում հիմնում է փոքրիկ արհեստանոց: Մի քանի տարի անց նրա արհեստանոցն ընդարձակվում է. ստեղծվում են նոր ցեխեր, բանվորների թիվը մեծանում է, հասնելով 15-ի: Սակայն աշխատանքը կատարվում էր ձեռքերով:

1905 թ. ձեռնարկությունը տեխնիկապես կատարելագործվում է: Ստեղծվում են փականագործական, մեխանիկական, կաթսյաագործական ցեխեր, իսկ բանվորների թիվը հասնում է 60—65 հոգու: Այդպիսով ձեռնարկությունը վեր է ածվում թուջաձուլման ու մեխանիկական գործարանի: Գործարանը արտադրում էր բամբակի և խաղողի համար հիդրավլիկ մամլակներ, բրինձ մաքրող մեքենաներ, պոմպեր, քամահար մեքենաներ, ջրմուղ-կոյուղու սարքավորում, երկաթյա կամուրջների կոնստրուկցիաներ, շինարարական սյուներ, թուջե աստիճաններ և այլ առարկաներ⁶: Գործարանի արտադրանքը իրացվում էր առավելապես Հայաստանի ներսում:

⁵ Տե՛ս Մ. Ա. Ալոնց, Экономическое развитие Восточной Армении, Ереван, 1957, стр. 415, Օ. Է. Կումանյան, стр. 211.

⁶ Տե՛ս Կ. Կոզմյան, «Երևանի Ֆ. Կ. Ջերժինսկու անվան հաստոցայինական գործարանի 50 տարին», Երևան, 1956, էջ 7—9:

1890-ական թվականներին նրեանում գործում էր նաև Տեր-Ջաքարյանցի մեխանիկական արհեստանոցը, բայց ինչքան որ անվորներով և ինչպիսի տեխնիկական հագեցվածությամբ, այդ մասին, դժբախտաբար, մենք ոչ մի տեղեկություն չունենք, միայն գիտենք, որ արհեստանոցը արտադրում էր բամբակապտիչ փոքրիկ մեքենաներ և զանազան կարգի սարքավորումներ¹⁰:

Նրեանում Հրազդանի ափին գործում էր կաշվի մշակման գործարանը: Գ. Ալավերդյանը նշում է, որ գործարանը կիսամեխանիզացված էր և բանվորների քանակով ու արտադրությամբ մեծ չէր¹¹: Ուրիշ տեղեկություններ, դժբախտաբար, մենք չունենք:

Ապիրտային խմիչքների արտադրության գործարաններ հիմնվեցին XIX դ. վերջերին, 1887—1888 թթ. ձեռնարկատերերը Սարաջեն ու Թաիրովը Շվեյցարիայից ստանում են թորման ապարատներ և կառուցում կոնյակի գործարաններ: Նրանց գործարանները աշխատում են 1889—1890 թթ. և գործարկման առաջին իսկ օրվանից տալիս են չափ արդյունք: 1891—1894 թթ. իրար հետևից կոնյակի գործարաններ կառուցեցին ձեռնարկատերեր Սողոմոնովը, Աֆրիկովը, Գյուլալովը և Մելիք-Բաբախանովը¹²:

Բն այդ գործարաններից յուրաքանչյուրը տեխնիկական ինչպիսի սարքավորում ուներ և որքան բանվոր, տվյալների բացակայության պատճառով, դժբախտաբար, հնարավոր չի պարզել: Բայց ցարական պաշտոնյա Ռ. Ի. Դանիլովիչի հաղորդումից մենք իմանում ենք, որ նրանք ունեցել են այն ժամանակվա համար կատարելագործված տեխնիկա և բավականին մեծ թվով բանվորներ: 1894 թ. ուսումնասիրելով Արարատյան դաշտի տնտեսական պայմանները, նա գրում էր, որ օղևթորման գործարանների մեծ մասը կազմված է հասարակ վառարանից, թորման կաթսայից և սառցարանից: «Սակայն այդ գործարանների մեջ կան մի քանի խոշորներ, որոնք աչքի են ընկնում մեքենաներով, բանվորների մեծ թվով և կատարելագործված արտադրությամբ»¹³: Հետագայում նրեանի սոցիալ-դեմոկրատական կազմակերպության անդամ Գ. Սոկոլովսկին իր հուշերում նշում էր, որ 1905 թ. Սարաջենի գործարանում կար 22, իսկ Շուստովի գործարանում՝ 38—40 բանվոր¹⁴: Պետք է ենթադրել, որ գործարանները համարյա այդ չափ բանվորներ ունեին նաև 90-ական թվականների սկզբներին:

Նոր ստեղծված գործարանները սկզբնական շրջանում անկայուն էին: Օրինակ՝ 1895 թ. նրեանի նահանգում կար 6 գործարան, 1896 թ.՝ 2, 1897 թ.՝ 4, 1899 թ.՝ 6, իսկ 1900 թ.՝ 2 գործարան: Բայց սկսած 1900 թ. նրանց թիվը անշեղորեն աճում է: 1901—1903 թթ. ընթացքում կոնյակի գործարաններ են կառուցում ձեռնարկատերերը Չելաբովը, Արամովը, Այդինովը, Գոլովովը և ուրիշները¹⁵: Այդ տարիներին վերսկսում է իր գործունեությունը նաև Աֆրիկովի գործարանը, որը փակվել էր 1903 թ. Հայաստանում եկեղեցական գույքի բռն-

¹⁰ Տե՛ս, «Кавказское сельское хозяйство», 1899, № 294.

¹¹ Տե՛ս նրա հոդվածը «Состояние промышленности в дореволюционной Армении». («Տեղեկագիր», Հասարակական գիտություններ, 1953, № 8, էջ 26):

¹² Տե՛ս, «Кавказское сельское хозяйство», 1895, № 97.

¹³ «Район тифлиско-карсско-ериванской железной дороги в экономическом и коммерческом отношениях», Тифлис, 1897, стр. 701.

¹⁴ Տե՛ս, «Հին ռուսիկների հիշողություններ», Կոնստ., 1958, էջ 102:

¹⁵ Տե՛ս, «Памятная книжка Эриванской губернии», 1902 և 1904, стр. 109.

նագրավման հետևանքով տեղի ունեցած դեպքերի պատճառով, Հետագա տարիներին հանդես են գալիս Հայաստանում ֆիրման, «Արաքս», «На вере» ընկերությունները և այլն¹⁶։ Միայն շորս տարվա ընթացքում (1905—1909) կոնյակի գործարանների թիվը 8-ից հասնում է 13-ի¹⁷։

Գործարանների քանակական աճի հետ մեկտեղ արագորեն մեծանում էր նաև նրանց արտադրանքը։ Եթե 1893 թ. գործարաններում թորված սպիրտը կազմում էր նահանգում աշտարակված ամբողջ սպիրտի միայն 5,1 %-ը¹⁸, ապա 1906 թ.՝ մոտ 40 %-ը¹⁹։ Հետագա տարիներին գործարաններում ավելի շատ սպիրտ է արտադրվում, քան նահանգի մանր ու միջին ձեռնարկություններում միասին վերցրած։

Անհրաժեշտ է նշել, որ գործարանների աճումն ու զարգացումը ուղեկցվում էր տեխնիկական կատարելագործումով։ Այսպես, 1902 թ. ձեռնարկատեր Սողոմոնովը իր հին սաքավորումները փոխարինեց երկու նոր սաքավորումով, Սարաչևը մեկ ապարատից անցավ երեքին, Շուստովը իր շորրորդ սաքավորման կողքին ավելացրեց հինգերորդը և այլն²⁰։ Մտորե բերված տվյալներից կարելի է դատել գործարանների տեղաբաշխման ու արտադրանքի չափերի մասին²¹։

Գործարանատիրոջ ազգանունը	Գործարանի տեղը	Կոնյակային սպիրտ	սպիրտ (աստիճ.-ով)	դինի (դույ- լերով)
Շուստով	Երևան	3000000	2000000	100000
Սարաչևի ընկերությունը	»	1500000	2000000	—
Արամովի ֆիրման	Էմվարու	450000	100000	6000
Հայնադարովի ֆիրման	Երևան	100000	10000	1500
«Արաքս» ֆիրման	Էմվարու	1500000	1500000	15000
«На вере» ընկերությունը	»	—	1500000	—

Աղյուսակում չեն ընդգրկված բոլոր գործարանները, բայց նրանում մոտավորապես բացահայտվում է իրերի զրոյթյունը։ Գործարանները հիմնականում գտնվում էին Երևանում և Արտաշատում (Ղամարու), ընդ որում առաջինում գտնվում էին առավելապես կոնյակի, իսկ երկրորդում՝ գինու գործարանները։ Ժամանակակիցներից մեկը նշում էր, որ «գինեգործության ամենախոշոր կենտրոնը հանդիսանում է Արտաշատ (Ղամարու) գյուղը, որտեղ արտադրվում է ավելի քան 100 հազ. փուլ տեղական գինի»²²։

Սպիրտային խմիչքների արտադրության մեջ խոշոր դեր էր խաղում ձեռնարկատեր Շուստովը։ 1903 թ. նա արտադրել է 751 հազ., Աֆրիկովը՝ 108

¹⁶ Տե՛ս Կենտրոնական պետական արխիվ Արմյանական ԽՍՀ, ֆ. 124, ձ. 39, լ. 9.

¹⁷ Տե՛ս, «Обзор отраслей промышленности...», за 1909 г., стр. 189.

¹⁸ Տե՛ս, «Сборник сведений по виноградарству и виноделию на Кавказе», вып. 6, стр. 112.

¹⁹ Տե՛ս, «Кавказский календарь на 1909 г.», отд. 4, стр. 527—528.

²⁰ Տե՛ս, ЦГА Армянской ССР, ֆ. 124, ձ. 39, լ. 9.

²¹ Տե՛ս, նույն տեղում, ֆ. 133, ձ. 5010, լ. 11—12.

²² Տե՛ս, «Краткий обзор коммерческой деятельности Закавказской железной дороги за 1910 г.», стр. 128.

հազ., Սարաջեր՝ 202 հազ., Սողոմոնովը՝ 21 հազ., Չելաբովը՝ 102 հազ. աստիճան սպիրտ²³, Այլ կերպ ասած՝ Շուստովը ավելի շատ է արտադրել սպիրտ, քան մյուս գործարանատերերը միասին վերցրած:

Սպիրտային խմիչքեղենը Հայաստանից արտահանվում էր Ռուսաստանի ղանազան վայրերը՝ Թբիլիսի, Մոսկվա, Վարշավա, Պետերբուրգ, Օդեսա, Անդրկասպյան երկրները, Թերեքի, Դաղստանի, Կուրսկի նահանգները, Մերձբալթիկա, Սիրիո և այլն²⁴: Անդրկովկասի աքցիլային գանձումների բաժնի վարիչ Լ. Լ. Պերշկեն գեո 1901 թ. գրում էր, որ այժմ «չկա ոչ մի քաղաք, ուր չթափանցի Կովկասի կոնյակը»²⁵, Հայաստանի կոնյակը իր որակով բարձր էր և Պետերբուրգում հաջողությամբ մրցում էր ֆրանսիական կոնյակի հետ, զուրս մղելով նրան շուկայից²⁶:

Հայաստանում գործարանային արտադրության անցնելուց հետո բարելավվում է նաև գինիների սրակը: Գեո 90-ական թվականներին խոշոր ձեռնարկատերերը սկսեցին արտադրել լիկյոր, իսկ XX դ. սկզբին՝ բազմատեսակ քաղցրահամ գինիներ: 1909 թ. մի հաղորդման մեջ տասված է, որ փոխվել են արտադրվող գինիների տեսակները, այժմ գինեկործները, հաշվի առնելով նոր սպառողների՝ ներքին Ռուսաստանի բնակչության պահանջները, մասսայաբար արտադրում են լիկյոր և զեսերտ քաղցրահամ գինիներ²⁷:

Գինիների արտադրության մեջ Հայաստանը Անդրկովկասում գրավում էր երկրորդ տեղը, իսկ կոնյակի արտադրության մեջ՝ առաջին տեղը: Օրինակ՝ 1906 թ. Անդրկովկասի 12 կոնյակի գործարաններից 8-ը գտնվում էր Հայաստանում: Այդ նույն թվին Անդրկովկասի գործարաններում թորվել էր 2890 հազ. աստիճան սպիրտ, որից 2401 հազ. աստիճանը՝ Հայաստանի գործարաններում²⁸, եթե XIX դ. երկրորդ կեսին Հայաստանի սպիրտային խմիչքները իրացվում էին գլխավորապես երկրի ներսում, ապա XX դ. սկզբին՝ երկրից դուրս Ռուսաստանի ղանազան քաղաքներում: Գործարանների աճի և զարգացման շնորհիվ ամրացվում էր Հայաստանի կապը համառուսական շուկայի հետ:

Բամբակի սկզբնական մշակման մեջ գործարանների հիմնադրումը սկսվեց 80-ական թվականների վերջերից, երբ «Большая ярославская мануфактура» և «Андрей Корзинкин» ընկերությունները ներառում և ենթիշադյուղում (Շարուր-Կարալագյազի դավառ) բամբակի գնման և զտման նպատակով կառուցեցին զրահենարաններ (контора):

Բամբակի սկզբնական մշակման էությունն այն էր, որ նախքան արդյունաբերական կենտրոններ ուղարկվելը, բամբակը չորացնում էին և հետո մանրաթելը մաքրում սերմերից: Սկզբնական շրջանում այդ մաքրումը կատարվում էր ձեռքով, հետագայում՝ «չափրիխ» կոչված պրիմիտիվ գործիքով, իսկ XIX դ. երկրորդ կեսում՝ «ջին» մեքենայով: 1891 թ. Պաղիրովը նշում էր, որ այժմ բամբակի զտումը կատարվում է «ջիններով», իսկ ձեռքերով կամ «չափրիխ» գործիքով զտելու ևղանակը արդեն նստվել է անցյալի դիրկը²⁹: Պաղիրովը

²³ Տես, ЦГА Армянской ССР, ф. 124, д. 11, л. 9.

²⁴ „Обзор отраслей промышленности...“, за 1901 г., стр. 169.

²⁵ Ն ու յ ն տ ե գ ու մ, էջ 164:

²⁶ Ն ու յ ն տ ե գ ու մ, էջ 164—165:

²⁷ Տես, „Обзор отраслей промышленности...“, за 1909 г., стр. 204.

²⁸ Տես, „Кавказский календарь на 1909 г., отд. 4, стр. 528.

²⁹ Տես, „Новое обозрение“, 1891, № 2640.

հանգամանքին նկարագրում էր բամբակի գոման և մամլման պրոցեսը վերահիշյալ ընկերությունների կողմից կառուցած գրասենյակներում: Օրինակ, «Большая ярославская мануфактура» ընկերության գրասենյակում բամբակը շորացնելուց հետո մաքրում էին սերմից և ապա մամլում: «Մամլման համար զործ են ածում ջրաբաշխական մեծ մամլիչներ, որոնք եղակի են Երևանում, քանի որ մնացած գրասենյակներում բամբակը մամլում են ձեռքի մամլիչներով: Նկուղային հարկում տեղավորված մամլիչը շարժման մեջ է դրվում շորս ձիերով»³⁰: Մամլման պրոցեսին մասնակցում էր Ց մարդ. երկուսը ղեկավարում էին ձիերին, իսկ մնացածները կոխում էին յարկիները, գոտեորում և կարում հակերը: Բացի այդ Ց հոգուց, մամլման պրոցեսին մասնակցում էին նաև 7 սևադործ բանվորներ: Սրանց կատարած ֆունկցիաների մասին, դժբախտաբար, Պագիրովը ոչինչ չի նշում: «Большая ярославская мануфактура» ընկերությունը ուներ ձեռնարկությանը հումք մատակարարող 10 գնորդներ³¹:

1890-ական և 1900-ական թվականների բամբակազտիչ գործարանների վարգաջման մասին մենք տեղեկություն չունենք, հայտնի է սակայն, որ XX դ. սկզբին բամբակազտիչ ձեռնարկություններ ունեին արդեն մի շարք հայ կապիտալիստներ: Այսպես, երևանի գավառում այդպիսի ձեռնարկություններ ունեին՝ Տիգրան Տեր-Մաթևոսյանը, Սարգիս Սիմոնյանը, Գրիգոր Խոզավերդյանը, Ռուբեն Հակոբյանը, Սուրմալուի գավառում՝ Ավետիսյան եղբայրները, Մկրտիչ Գևորգյանը, Դավիթ Սարգսյանը, Գրիգոր Ներսիսյանը, Էջմիածնի գավառում՝ Արմենակ Շախոսյանը, Ենգիբար Եղիազարյանը, Առաքել Դրամպյանցը, Սիրական Հարությունյանը, Շարուր-Դարալաղյազի գավառում՝ Բաբկեն Լիդիազարյանը, Գևորգյան եղբայրները, Մարկոս Ստեփանյանը, Անդրեաս Կարապետյանը, Նախիջևանի գավառում՝ Թադևոս Մարգարյանը, Խաչատուր Հակոբյանը, Մակար Տեր-Ստեփանյանը և շատ ուրիշները³²:

1912 թ. բամբակազտիչ բոլոր կարգերի ձեռնարկություններն ու գործարանները Երևանի նահանգում հետևյալ կերպ էին տեղաբաշխված³³:

Գավառները	Շարժիչների տեսակները				
	Նավթամոտորային	Հողեշարժիչ	Ջրաշարժիչ	ձիաշարժիչ	Ընդամենը
Երևանի	10	12	51	—	73
Էջմիածնի	21	20	27	10	78
Սուրմալուի	57	—	14	13	84
Շարուր-Դարալաղյազի	14	—	35	—	49
Նախիջևանի	6	11	26	1	44
Ընդամենը	108	43	153	24	328

Դժբախտաբար մեզ չհասնող հրատարակված և արխիվային աղբյուրներում գտնել լրացուցիչ տվյալներ այդ ձեռնարկություններում գրադված բան-

³⁰ Նույն տեղում № 2648:

³¹ Նույն տեղում:

³² Տե՛ս, Ս. Н. Тимофеев, «Статистика хлопководства в Закавказском крае», Тифлис, 1914, стр. 66—85.

³³ Նույն տեղում, էջ 5:

վորներին մասին, որը, անշուշտ, կօգնե որոշելու պործարանների թիվը: Անուղակի կերպով կարելի է սակայն ենթադրել, որ քիչ թե շատ խոշոր գործարանների թիվը 50-ից չէր անցնում: Ս. Ն. Տիմոֆեևը նշում էր, որ Երևանի նահանգում միայն 50 գործարան էր այսպես թե այնպես սարքավորված և արտադրում էր սեզոնը 1500—2000 փուլ մաքուր մանրաթել³⁴: Համարյա նույն բանն էր հաստատում նաև Երևանի նահանգի բամբակապործության խոշոր մասնագետ Ն. Պ. Տարատինովը: Վերջինս 1913 թ. դրում էր. «Պրիմիտիվ փայտյա «չափերիսների» փոխարեն, որոնք առաջ ծառայում էին բամբակը սերմից մաքրելու համար, այժմ մենք արդեն ունենք մի քանի հարյուր ամերիկական մեքենա՝ ջինս և տանյակ արդեն խոշոր, լավ և լիակատար սարքավորված բամբակազտիչ դարձարաններ և մի քանի ձեթագործարան: Բացի դրանից, մի քանի գործարաններ կառուցվում են հենց հիմա»³⁵:

Ակզրնական մշակումից հետո, բամբակի մամլաթելը Հայաստանից արտահանվում էր ռուսական արդյունաբերական կենտրոնները:

Կաթի մշակման ընթացակարգում կատարելագործված առաջին ձեռնարկությունները երևան եկան XIX դ. 60-ական թվականներին՝ Բորչալուում: Հետագա 90-ական թվականներին նրանք հասան զգալի զարգացման: Առաջին պանրի և յուղի ձեռնարկությունները կառուցեցին եվրոպացիները՝ մասնավորապես Շվեյցարիայից եկած ձեռնարկատերերը: Շուտով եվրոպացիների օրինակով ձեռնարկություններ կառուցեցին նաև տեղացիները՝ ռուսները, հայերը, վրացիները և ադրբեջանցիները: 14 տարվա ընթացքում (1894—1908) Լոռում հիմնվեցին 20-ից ավելի ձեռնարկություններ³⁶: Առանձնապես աչքի էին ընկնում ձեռնարկատերեր Թալանովի, Շադինովի, Դասաևի, Քալանթարովի, Նասիրօղլու, Կիրիլովի, Գրաֆի, Սուրվյովի, Կուրվիևի, Պավլովի, Զադինյան եղբայրների և այլոց ձեռնարկությունները: Այս ձեռնարկություններից յուրաքանչյուրը տարեկան արտադրում էր միջին հաշվով 29 հազ. փուլ պանիր³⁷: Շնորհիվ անասնապահության և կաթնապրանքային տնտեսության զարգացման, ժամանակակիցները Լոռին անվանում էին «Հայկական Շվեյցարիա»³⁸:

Բացի Լոռուց, 90-ական թվականների վերջերին և հատկապես 1900-ական թվականներին, կաթի մշակման ձեռնարկություններ հանդես եկան նաև Կարսի մարզում: Նրանց կառուցողները այստեղ նույնպես հանդիսանում էին առավելապես եվրոպացիները՝ Լինգարդը, Դելենրախը, Զիդենթալերը, Բրիկսինը, Ռոդլիսբերգը, Ամմստերը և ուրիշները³⁹: Շուտով եվրոպացիների օրինակին հետևեցին նաև տեղացիները՝ Պոկրովսկին, Բոգդանովը, Էմիրխանսկին, Սալիմսկին, Հակոբովը և մյուսները⁴⁰: 1908 թ. այստեղ եղած ձեռնարկություններից եվրոպացիներին պատկանում էր 46,5%, ռուսներին՝ 31,5%, հայերին՝ 5,4%, իսկ մնացածը՝ այլ ազգի ձեռնարկատերերին⁴¹:

³⁴ Տե՛ս, նույն տեղում, էջ 4:

³⁵ «Весь Кавказ», под ред. М. С. Шансовича, приложение 1914, стр. 127.

³⁶ Տե՛ս, «Труды первого кавказского съезда сельских хозяев 1909», Тифлис, 1914 г. стр. 330.

³⁷ Տե՛ս, նույն տեղում, էջ 328:

³⁸ Տե՛ս, «Գյուղատնտես», 1912, № 22, էջ 339:

³⁹ Տե՛ս, «Труды первого кавказского съезда сельских хозяев 1909», Тифлис, 1911, стр. 330.

⁴⁰ Տե՛ս, նույն տեղում:

⁴¹ Տե՛ս, նույն տեղում:

Նոր-Բայազետի դավառում կաթնամշակման գործարանի ստեղծման առաջին փորձը եղավ 1886 թ., երբ Օդեսայի առևտրական տան գործակալ Մաթթեո Խրիստակին Ձող գյուղում կառուցեց պանրի մշակման ձեռնարկություն⁴²։ Այդ ձեռնարկության հետագա տարիների գործունեության մասին մենք, դժբախտաբար, տեղեկություն չունենք⁴³։ XX դ. սկզբին կաթնամշակման ձեռնարկություններ ստեղծվեցին դավառի Ալեքսանդրովկա, Միսխանա, Սեմյոնովկա, Շորժա և այլ գյուղերում⁴⁴։ Այս դավառում առանձնապես աչքի էր ընկնում մեծ Ա. Նիկողոսյանի ձեռնարկությունը։ Նա վարձակալում էր մեծ տարածություն՝ արոտավայրեր, ուներ 150 կով, ավելի քան 15 վարձու աշխատողներ և տարեկան մշակում էր 6 հազ. փութ կաթ։ Ստացված յուղն ու պանիրը վաճառքի էր հանում առավելապես Նրեանում և Ալեքսանդրովկայում⁴⁵։

Կաթնամշակման ձեռնարկություններ կաշին նաև Ալեքսանդրովկայի դավառում։ 1913 թ. նրանց թիվը այստեղ հասնում էր 15-ի⁴⁶։

Համարյա բոլոր տեղերում կաթնամշակման գործարանները հազեցված էին Գեվիս, Լեվալ, Պերֆեկտ, Սվեյ և այլ տիպերի սերվատ մեքենաներով։ Այս մեքենաները Հայաստանում տարածվեցին 1890-ական թվականների վերջերից և հատկապես XX դ. սկզբներին։ Ցարական պաշտոնյա Բ. Ս. Էսաձեն 1910 թ. նշում էր, որ ամենուրեք բնակչության մեջ նկատվում է մեծ հետաքրքրություն դեպի կաթի մշակումը, «պանրագործարանների և յուղագործարանների թիվը, որոնցում արդեն մտցված են կաթնային տնտեսության արդյունքների բարձր որակի պատրաստման եղանակներ, տարեց-տարի աճում է»⁴⁶։

Ինչ վերաբերվում է բանվորների թվին, ապա այդ մասին մենք ունենք հետևյալ տեղեկություններ։ Կարսի նահանգապետը 1904 թ. հաշվետվության մեջ գրում էր, որ «Սուլիդյուզ» վայրում (Արդահանի օկրուգ) ընկերակցական սկզբունքներով ստեղծված են երկու գործարաններ, որոնք կատարելագործված մեքենաների օգնությամբ մշակում են կաթնային արդյունքներ, աշխատում են 54 բանվոր⁴⁷։ Բորչալուի դավառի կառավարչապետը 1907 թ. նշում էր, որ Լոռու դավառամասում կար պանրի և յուղի 32 գործարան՝ 600 բանվորով, այսինքն յուրաքանչյուր գործարանում միջին հաշվով՝ 19 բանվոր⁴⁸։

Պանրի և յուղի արտադրանքի աճի մասին կարելի է պատկերացում կազմել Կարսի մարզին վերաբերող հետևյալ աղյուսակից⁴⁹։ (Տե՛ս էջ 23)։

Աղյուսակը ցույց է տալիս, որ 7 տարվա ընթացքում ձեռնարկությունների թիվը աճում է ավելի քան 10 անգամ, կովերի թիվը՝ 7 անգամ, կաթի արտադրությունը՝ 5 անգամ, իսկ պանիրներ՝ 12 անգամ։ Ձեռնարկությունների

⁴² Տե՛ս, «Материалы для устройства казенных летних и зимних пастбищ», т. 2, ч. I, стр. 75.

⁴³ Տե՛ս, ЦГА Армянской ССР, ф. 133, д. 4993, л. 37.

⁴⁴ Տե՛ս, «Մշակ», 1909, № 182:

⁴⁵ Տե՛ս «Обзор Эриванской губернии за 1913 г.», стр. 11.

⁴⁶ «Очерки Карсской области», вып. I, экономические и хозяйственные нужды, 1912, стр. 26.

⁴⁷ Տե՛ս, «Обзор Карсской области» за 1904, стр. 10.

⁴⁸ Տե՛ս, Центральный государственный исторический архив Грузинской ССР, ф. 17, л. 94 0, л. 30—31.

⁴⁹ Տե՛ս, «Обзор Карсской области», за 1905, 1907, 1909, 1910, 1912, стр. 12, 13, 25, 31, 35, «Памятная книжка Карсской области за 1914 г.».

վարձատյան և նրանց արտադրության աճի պատկերը համարյա նույնն էր նաև Հայաստանի մնացած շրջաններում:

1 Տարի- ները	2 Գործարան- ների թիվը	3 Կովերի թիվը	4 Կաթը (փթերով)	5 Պանիրը (փթերով)
1905	6	2413	1079	2,730
1907	9	1945	2252	5455
1909	14	5017	2030	8430
1910	24	8093	6444	13,664
1912	64	18,539	5656	34,108

Անհրաժեշտ է նշել, որ ձեռնարկություններում մշակվում էր ոչ միայն ձեռնարկատերերի սեփական կովերից ստացված, այլև գյուղական բնակչությանից գնած կաթը: Շատ ձեռնարկատերեր, օգտվելով գյուղացիների անելանելի դրությունից, իրենց գործակալների միջոցով փող էին տալիս նրանց և ապա էժան գներով կաթ վերցնում: Կաթի ձեռք բերման այս եղանակը, անշուշտ, ձեռնտու էր ձեռնարկատերերի համար: Օրինակ՝ 1909 թ. Լոռու գավառամասում եղած բոլոր 33 գործարաններից 16-ում մշակում էին գնած կաթ, 12-ում՝ գնած և սեփական, և միայն 5-ում՝ սեփական կաթ⁵⁰:

Ձեռնարկատերերը պատրաստում էին շվեյցարական, հոլանդական և տեղական պանիր: Նրանք ավելի շատ պատրաստում էին շվեյցարական պանիր, բայց որ այն ավելի լավ էր վաճառվում: Նույն գավառամասում, օրինակ, 25 ձեռնարկություններում պատրաստվում էր շվեյցարական, 3-ում տեղական և մեկ ձեռնարկությունում հոլանդական պանիր⁵¹:

Ձեռնարկատերերը տեղական պանիրը վաճառում էին Հայաստանում և Լեռնալիանում, իսկ շվեյցարական և հոլանդական պանիրը արտահանում էին Ռուսաստանի զանազան քաղաքներ: Արդյունքը իրացնելու համար նրանք կապ էին հաստատել Ռիֆլիլի, Դոնի Ռոստովի, Օդեսայի և Մոսկվայի հետ⁵²:

Կաթնամշակման ձեռնարկությունների ծագումն ու վարձացումը հաճախ տեղի էր ունենում չքավոր գյուղացիներին մասսայաբար հողից արտաքսելու ձախարհով: Այսպես, Լոռվա ձեռնարկատերերից մեկը՝ Նիդիդերը սկզբում աշխատում էր Կուչենբախի մոտ որպես պանիր պատրաստող: Կուտակելով միջոցներ, 1884 թ. նա փ. Կամարլի գյուղում հիմնեց սեփական կաթնամշակման ձեռնարկություն: Նիդիդերը վարձակալեց իշխան Արդուլյանից 1500 դես. հողամաս, որի վրա բնակվում էին 24 գյուղացիական ընտանիք: Սկզբում նա հողամասը տալիս էր վարձակալության հենց այդ գյուղացիներին, բայց հետո կամաց-կամաց նրանց մեծ մասին քչեց հողամասից և թողեց միայն վեց ընտանիք, որոնց և դարձրեց փր վարձու բատրակները:

Ժամանակակիցներից մեկը, որ տեղյակ էր այդ ձեռնարկության առաջացման ու վարձացման պատմությանը, նշում էր «պ. Նիդիդերի 22 տարվա

⁵⁰ Տես, «Գյուղատնտես», 1910, № 28, էջ 408:

⁵¹ Ն ու յ ն տ ե դ ու մ:

⁵² Տես, «Обзор Карсской области», за 1910 г., стр. 36.

կապիտալիստական դոմինանտության արդյունքը այն եղավ, որ նախկին 100 խնայողական գյուղացիների փոխարեն այժմ փ. Կամարլի գյուղում ապրում են միայն 40 հոգի, որից 2-ը՝ տերեր, 12-ը պանիր պատրաստող շվեյցարացիներ, 7-ը՝ հովիվներ, 3-ը՝ պահակներ և 16-ը կթվորներ»⁵³:

Հողից զրկված գյուղացիները հայտարարում էին. «Տասնյակ տարիներ մենք ապրել ենք այդ հողի վրա և մշակել այն», «այստեղ գտնվում էր մեր հայրերի գերեզմանները» և այլն⁵⁴: Չնայած գյուղացիների դիմադրությանը, հրկիզումներին և նույնիսկ մահափորձերին, ձեռնարկատերերը այնուամենայնիվ արտաքսում էին նրանց ղեպի Անդրկովկասի դանազան շրջաններ:

Գործարանային արտադրության զարգացումը տեղի էր ունենում Հայաստանի արդյունաբերության նաև երկրորդական ճյուղերում: Այդպիսի ճյուղերից էր մետաքսի արտադրությունը: 1870—1872 թթ. ձեռնարկատեր Բաբան ու Ֆարաջե Թրդուրադ քաղաքում և Ագուլիս գյուղում հիմնեցին մետաքսափաթեթման գործարաններ⁵⁵: Նրանք ձեռքի օգնությամբ շարժվող դադահները փոխարինեցին շոգեկաթսայով, որը հեշտացրեց մետաքսափաթեթման գործը և բարձրացրեց աշխատանքի արտադրողականությունը:

Հետագա 10—15-տարում մետաքսափաթեթման բնագավառում շերամի որդի հիվանդության պատճառով էական տեղաշարժեր չկատարվեցին:

Սակայն 90-ական թվականների սկզբներից այդ գործարանների թիվը սկսում է արագորեն աճել: Ըստ Ա. Գուլիշամբարովի 1894 թ. տեղեկություններով, մետաքսափաթեթման բնագավառում «վերջին չորս տարվա ընթացքում տեղի է ունենում լուրջ փոփոխություններ... Հանդես են գալիս մի քանի ֆաբրիկաներ»⁵⁶:

1900 թ. գործարանները մետաքսափաթեթման արտադրության մեջ արդեն զբաղեցնում էին խաղում: Այսպես. Թրդուրադի գավառամասում կար 7 մետաքսափաթեթման գործարան և 7 մանրապրանքային ու մանուֆակտուրային տիպի ձեռնարկություն: Գործարանների համախառն եկամուտը կազմում էր 78500 ռ., բաց արած մետաքսը (размотанный шелк) 379 փուլ, մշակած բամբակը (выделенная вата)՝ 415 փուլ, բանվորների թիվը՝ 290 հոգի, իսկ ձեռնարկություններին՝ համապատասխանաբար 33. 620 ռ., 152 փուլ, 161 փուլ, 51 հոգի⁵⁷:

Մետաքսափաթեթման գործարաններից 5-ը գտնվում էին Թրդուրադ քաղաքում, 2-ը՝ Ագուլիս և Չանանար գյուղերում, իսկ ձեռնարկություններից 2-ը գտնվում էին Թրդուրադում, 4-ը՝ Չանանար և 1-ը՝ Ներքին Ագուլիս գյուղերում⁵⁸:

Մետաքսափաթեթման գործարանների մասին ավելի կոնկրետ տեղեկություններ տալիս է հետևյալ աղյուսակը⁵⁹ (տե՛ս էջ 25):

⁵³ „Кавказское сельское хозяйство“, 1902, № 417.

⁵⁴ Там же, 1905, № 581.

⁵⁵ Տե՛ս, ЦГИА Грузинской ССР, ф. 5, оп. 2, д. 2191, л. 28.

⁵⁶ С. Гулишамбаров, Обзор фабрик и заводов Закавказского края, Тифлис, 1894, стр. 319—320.

⁵⁷ Տե՛ս, „Памятная книжка Эриванской губернии на 1904 г.“, отд. 3, стр. 22—24*.

⁵⁸ Նույն տեղում:

⁵⁹ Նույն տեղում:

Այդ տվյալները ցույց են տալիս, որ մետաքսափաթաթման գործարանները իրենց ունեցած բանվորների թվով ու տված արտադրանքի չափերով քիչ են տարբերվում միմյանցից:

Գործարանատիրոջ ազգանունը	Բանվորների թիվը	Բաց արած մետաքսի քանակը (փթեթով)	Մշակած բամբակի քանակը (փթեթով)	Համախառն եկամուտը
Բարաև	23	49	52	10870
Ֆարաջև	44	50	53	11160
Նադիրև	38	46	49	10300
Արարով	33	45	55	11600
Ռիզաև	45	62	67	10450
Աղամալով	56	62	68	10020
Սարգիսով	51	65	69	14100
Ընդամենը	290	379	413	75500

Ս. Լավրովը նրանի նախանքում ելած բոլոր մետաքսափաթաթման գործարաններն ու ձեռնարկությունները բաժանում էր երեք խմբի. 1) ձեռնարկություններ, որոնք բոժոժներից պատրաստում էին մետաքս «Ֆիլատուր» կամ, ըստ տեղացիների արտահայտությամբ, «կրեթ», 2) ձեռնարկություններ, որոնք «կրեթից» պատրաստում էին թելեր, և 3) ձեռնարկություններ, որտեղ միացված էին այդ երկու պրոցեսները⁶⁰: Այսպիսի պայմաններում, պետք է ենթադրել, որ մետաքսափաթաթման պրիմիտիվ ձեռնարկությունները չէին կարող կախվածության մեջ չլինել կատարելագործված գործարաններից:

XX դ. սկզբին մետաքսագործության վարձագման հետևանքով գործարանների թիվը մեծանում է: 1913 թ. մետաքսափաթաթման ձեռնարկություններ ստեղծվում են ինչպես Նախիջևանում, նույնպես և Վերին և Ներքին Ադուլիս, Ալի, Շուռուտ, Ղապանչի, Վանանդ, Չանանաբ, Բափակերտ և այլ գյուղերում⁶¹:

Նախնական մշակումից հետո մետաքսը Հայաստանից արտահանվում էր Ռուսաստանի արդյունաբերական կենտրոնները՝ Մոսկվա, Լոձ, Վարշավա և այլն:

1882 թ. գավառապետ Խան-Աղովը էջմիածնի գավառում հիմնում է ձեթի գործարան: Այս գործարանը, ըստ Ա. Գեևսկու հաղորդման, գործում էր շոգու օգնությամբ և արտադրում էր բարձրորակ ձեթ, որը իրացվում էր Անդրկովկասի պանազան վայրերում⁶²: Խան-Աղովի գործարանի մասին ուրիշ տեղեկություններ չունենք: Հավանական է, որ ձեթաբույսերի ցանքատարածությունների կրճատման հետևանքով նրա գործարանը հետագայում փակվեց:

1880-ական թվականներին Ջուլիստարեն ու Բլանկենբուրգը նրանում կառուցում են պահածոների պատրաստման գործարան: Ս. Գուլիշամբարովը 1890 թ. լինելով նրանում, տեսել է, որ գործարանը ունեցել է 32 բանվոր,

⁶⁰ Տես, «Кавказское сельское хозяйство», 1895, № 100.

⁶¹ Տես, ЦГА Армянской ССР, ф. 133, д. 4993, л. 39.

⁶² Տես նրա «Краткий очерк земледелия за Кавказом», Тифлис, 1887, стр. 32.

Ռիդեր սիստեմի վառարան, 14 շորացնող ապարատներով և շաքարի բյուրեղացման համար սարքավորանք⁶³։ Բացի պահածոների պատրաստումից, գործարանում շորացվում էին նաև մրգեր։ Օրինակ՝ 1889 թ. այստեղ շորացվել է մոտ 30 հազ. ռուբլու միրգ և վաճառքի է արտահանվել Հայաստանի ու Անդրկովկասի զանազան վայրերը։ Հետագայում գործարանի արտադրանքը էլ ավելի է ընդլայնվում և դուրս է գալիս համառուսական շուկա⁶⁴։

Բնրված փաստերը ցույց են տալիս, որ երկու-երեք տասնամյակում Հայաստանում առաջ են գալիս ու զարգանում մի շարք գործարաններ։ Այդ գործարանները առաջ էին գալիս հումքի արտադրության շրջանում։ Աշխարհագրական տեսակետից նրանք հետևյալ կերպ էին տեղաբաշխված. պղնձաձուլական գործարանները գտնվում էին Ալավերդում, Զանգեզուրում և Ղափանում, կաթնամշակման գործարանները՝ Կարսի մարզում, Լոռիում և երկրի լեռնային այլ շրջաններում, սպիրտային խմիչքների գործարանները՝ առավելապես Արարատյան դաշտում, մետաքսափաթաթման գործարանները՝ Օրդուբադի գավառամասում և այլն։

Որպես տեղական առանձնահատկություն պետք է նշել, որ ի տարբերություն եվրոպական Ռուսաստանի, Հայաստանում գործարանային արտադրությունը երեսն եկավ ավելի ուշ։ Առաջին գործարանները այստեղ կառուցեցին XIX դ. վերջում, այսինքն՝ այն ժամանակ, երբ եվրոպական Ռուսաստանի արդյունաբերության մեջ նրանք արդեն տիրապետող դեր էին խաղում։ XIX դ. վերջում Հայաստանում գործարանների թիվը քիչ էր, իսկ արտադրության ծավալը՝ փոքր։ Երկրի արդյունաբերության նշված ճյուղերում գործարանները բիշ թե շատ լայն զարգացում ստացան առավելապես XX սկզբին։

Հայաստանում գործարանների զարգացումը տեղի էր ունենում ռուսական կապիտալիզմի պահանջներին համաձայն. նրանք առաջ էին գալիս երկրի տնտեսության աճն ճյուղերում, որոնք հումք էին մատակարարում մետրոպոլիսի արդյունաբերական կենտրոններին։ Գյուղատնտեսական յուրյ մթերքներ վերջնականապես մշակվում էին տեղում, բայց բնորոշ է, որ արդյունքը արտահանվում էր վաճառքի նույնպես մետրոպոլիսի արդյունաբերական կենտրոնները։

Ի տարբերություն եվրոպական Ռուսաստանի, Հայաստանում գործարանները թույլ էին զարգացած։ Այստեղ նրանց զգալի մասը կրում էր սեզոնային բնույթ. բացվում էր, երբ սկսվում էր բերքահավաքը, փակվում, երբ վերջանում էր հումքը։ Ամբողջ տարին անընդհատ բանույ գործարանների մի մասն էլ տևական կապես թույլ էր հագեցված։ Գործարանները չկարողացան վերջնականապես դուրս մղել նախագործարանային արտադրությունը։ Այդ պատճառով մինչև սովետական կարգերի հաստատումը Հայաստանում շարունակում էին էական դեր խաղալ մանուֆակտուրային, մանր ապրանքային, արհեստային արտադրությունը և նույնիսկ տնային արդյունաբերությունը։

Հայաստանի գործարաններում, եթե չհաշվենք պղնձահանքերը, բանվորների թիվը փոքր էր։ Այն տատանվում էր 16—40-ի սահմաններում։ Բանվորների զգալի մասը վերջնականապես չէր կտրված հողից։ Աշխատելով գործարանում, բանվորները միաժամանակ, կամ տարվա որոշ եղանակներին շա-

⁶³ Տես Ս. Գուլիշավրարով, էջ 375։

⁶⁴ Տես «Обзор Эриванской губернии за 1910 г.», стр. 5.

բունակում էին վրադվել նաև գյուղատնտեսական աշխատանքներով: Սեզոնից-սեզոն բանով գործարանները, բնական է, շունեին բանվորական մշտական կազմ: Գործարանը փակվելուց հետո բանվորները ցրվում էին և անցնում ուրիշ աշխատանքի:

Այնուամենայնիվ, գործարանային արդյունաբերության զարգացումը խոշոր իրադարձություն էր Հայաստանի տնտեսական և քաղաքական կյանքում: Գործարանը նպաստեց արտադրողական ուժերի զարգացմանը, հանրայնացրեց աշխատանքը և բարձրացրեց նրա արտադրողականությունը, վերացրեց անձնական կախվածության տարատեսակ ձևերը և ստեղծեց բանվոր դասակարգ:

— Բանվորների վիճակը գործարաններում ծանր էր: Օրինակ՝ Ղափանում բանվորները ստանում էին օրական 40—50 կոպ., հաճախ քնում էին բաց երկրնքի ստակ, կամ խոնավ գետնի վրա: Աշխատանքային պայմանները չէին ապահովում նրանց կյանքի անվտանգությունը: Եթե բանվորը վրկվում էր ոտքից, ձեռքից կամ աչքից, ապա գործարանատերը կամ կառավարիչը ստիպում էր նրան լուել և բավարարվել մի քանի խղճով կոպեկներ ստանալով: Օրենքով գործարանատերերը պարտավոր էին բանվորների համար բաց անել դպրոց, գրադարան, հիվանդանոց, բաղանիք և այլն, սակայն նրանք այդ ամենը չէին անում և փաստորեն տնտեսում էին բանվորների հաշվին: «Բոլոր գործարանները պահում են մեկ ֆելդեր, որին չեն տալիս նույնիսկ սենյակ, որտեղ նա կարողանա տեղավորել գոնե ծանր հիվանդներին»⁶⁵:

— Բանվորների վիճակը զրեթե նույնն էր նաև Ալավերդում և Զանգեզուրի պղնձահանքերում: Ալավերդում նրանք օրական աշխատում էին 14—16 ժամ և ստանում էին՝ հանքափորները՝ 40—50 կոպ., բարձողները՝ 30—35 կոպ. իսկ թափողները՝ 25—30 կոպ.:

Բամբակազտիչ գործարաններում աշխատանքը սովորաբար սկսվում էր առավոտյան ժամի 7-ից և ավարտվում երեկոյան 10-ին: Այդ երկարատև աշխատանքի համար բանվորները օրական ստանում էին 30—35 կոպ.⁶⁶: Դրությունը համարյա նույնն էր գինու, օղեթորման և կոնյակի գործարաններում:

Բանվորների վիճակը վատ էր նաև կաթնամշակման ձեռնարկություններում: Օրինակ՝ վերոհիշյալ Նիդիգեթի բատրակները տարեկան ստանում էին 80 ռուբ., կամ օրական 20 կոպ. իսկ կովկասյանը՝ ամսական 1,5 ռուբ., կամ օրական 5 կոպ.⁶⁷:

Կարս քաղաքում տերերը, օգտվելով բանվորների անելանելի վիճակից, վարձում էին նրանց ավելի էժան. «Փոքր հաց կուլես, արի, չես գա — ուրիշ ներ շատ կան»⁶⁸: Եվ բանվորները, գտնելով, որ ուրիշներ շատ կան, համաձայնվում էին տիրոջ պայմանին: Մի թղթակցության մեջ այս առթիվ նշվում էր. «Բանվորը խեղճ է, նա լեզու չունի, նա չի կարող պաշտպանել յուր իրավունքը, յուր ստացվածքը, յուր պատիվը... ուրեմն պետք է խաբել նրան»⁶⁹:

Բանվորները հաճախ կտրում էին իրենց բերանի հացը, ամիսներով տաք

⁶⁵ С. Заварян, Экономические условия Карабаха и голод 1906—1907 гг. стр. 48.

⁶⁶ Տե՛ս «Новое обозрение», 1891, № 2648.

⁶⁷ Տե՛ս, «Кавказское сельское хозяйство», 1902, № 417.

⁶⁸ Տե՛ս, «Մուրճ», 1890, № 1, էջ 124:

⁶⁹ Նույն տեղում:

կերակուր չէին ուտում, հագնում էին ցնցոտիներ՝ որպեսզի կարողանան մի քանի կոպեկ ետ գցել՝ ընտանիքի կարիքները հոգալու համար: Բայց փող հետ գցելը ոչ բոլոր դեպքերում և ոչ բոլորին էր հաջողվում: Առանձնապես ծանր էր այն բանվորների վիճակը, որոնք աշխատում էին սեզոնից-սեզոն: Գործարանը փակվելուց հետո նրանք դատապարտվում էին գործազրկության և դժվարության: Բայց էին տեղավորվում այլ աշխատանքի:

Բանվորները կեղեքումներին ու հարստահարումներին պատասխանում էին՝ ունեցություն ելույթներով: Նրանք ակտիվ մասնակցություն ունեցան 1905 թ. ինչպես և 1917 թ. ունեցությաներին: